



Inatsisartuni ilaasortaq Sofie Geisler
/MAANI

§ 37 naapertorlugu apeqquteqaammut nr. 325/2018-imut akissuteqaat

Ulloq: 03-01-2019
Suliap normua: 2019 - 263
Akt normu: 9727174

Inatsisartut suleriaasissaanni § 37-mi imm. 1 naapertorlugu apeqqutunik Naalakkersuisunut nassiussaqaarsimavutit, sinerissap qanittuani aalisarsinnaanermi akuerissutit pillugit. Apeqqutitit uanga suliaasaqarfigisannut akisassanngortinneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

1. Aalisarnermik akuersissut pigiinnarlugu umiatsiaararsortut kattussinnaaneranut periarfissanik qanoq ittunik Naalakkersuisut pilersaaruteqarpat?

Akissut: Kalaallit Nunaanni sinerissap qanittuani aalisarsinnaanermut akuersissutitut tunngatillugu malittarisassat aalisarnerni ataasiakkaani assigiinngillat, aallaaviusumilli ullumikkut umiatsiaararsorlutik aalisartut aalisariummik anginerusumik ataatsimoorullugu pisinissaat akornutissaqanngilaq. Naalakkersuisut politikkerat Kalaallit Nunaanni sumiiffinni ataasiakkaani angallatit umiatsiaaqqalluunniit sorliit sinerissap qanittuani aalisarnermi naleqqunnerpaajunersut aalisartut nalilersuilluarnerusinnaasut.

2. Naalakkersuisut apeqqut 1-imut pilersaaruteqarsimappata: Tamanna qanoq aningaasalersorneqassasoq Naalakkersuisut pilersaarutigaat?

Akissut: Kalaallit Nunaanni ullumikkut umiatsiaararsorlutik aalisartut arlallit aalisariummik angunerusumik pisinissamik suliniummi ataatsimoorinissamik kissaateqarpata, aningaasanut inatsimmi kontomi pingaarnermi 50.06.50-imi, aalisarnermut aningaasaliissutitut immikkoortitat, aningaasaliissutit atorlugit aningaasalersueqataasoqarnissaanik qinnuteqarnissamut ullumikkut periarfissaqarpoq. Aaqqissuussinerimi tassani sinerissap qanittuani aalisarnermi aalisariummik pisinermut pisiarinerani akia 40%-it tikillugit tapiissutunik qinnuteqarnissamut aalisartut periarfissinneqarput.

3. Apeqqut 1 angerneqarpat: Aalisartut kattunnissaminut kissaateqartut siunnersorneqarnissaannut periarfissat suut Naalakkersuisut eqqarsaatigaat?

Akissut: Kontomi pingaarnermi 50.01.07, aalisartut piniartullu siunnersortinit sullinneqarnerat, siunnersorteqarfirmut (KONFIFA) immikkoortumi namminersorluni suliffeqarfimmik ingerlatsinermut siunnersuisoqarfiusumut aningaasanik ukiut tamaasa immikkoortitsisoqartarpoq. Aningaasaliissutit KNAPK-mut angusassat pillugit isumaqatigiissutikkut aqunneqarput.

4. Aalisarnermut akuersissutillit pisassiissutunik niuerutigineqarsinnaasunik tunineqarsimasut kiisalu paggatassiissutunik aalisartut saattuarniat, saarullinniat qaleralinniallu qanoq amerlatigippat?

Akissut: Umiatsiaaqqat angallatillu atorlugit sinerissap qanittuani qalerallinniarinnaanermut akuersissutit 2095-it, sinerissap qanittuani saarullinniarinnaanermut akuersissutit 1674 kiisalu sinerissap qanittuani saattuarniarinnaanermut akuersissutit 99 tunniunneqarnikuupput. Angallatit atorlugit qalerallinniarnermut taamaallaat pisassiissutit nammineq pigisat niuerutigineqarsinnaasut atorlugit aalisarsinnaanermut akuersissutit tunniunneqartarput.

5. Sinerissamut qanittumi aalisarnerq pillugu, raajarniat tassani ilanngunnagit, Naalakkersuisut qanoq takorluugaqarpat aamma periusissiaqarpat?

Akissut: Kalaallit Nunaanni aalisarnerup ineriartornera Naalakkersuisut ingerlaavartumik malinnaavigisarpaat, aalisarnermilu siunissami periarfissat pitsaasorujussuusutut isigalugit. Ukiuni kingullerni aalisarnermi ataatsimut isigalugu aningaasaqarnerq pitsaasorujussuunikuvoq, tamannalu aamma pisortat annertoorujussuarnik isertitaqartarnerannik kinguneqarpoq, ilaatigut akitsuutinit akileraarutinillu. Aalisarnermik aaqqissuusseqqinnissami sinerissap qanittuani aalisarnerq ilaavoq, Naalakkersuisullu politikkeraat sinerissap qanittuani aalisarnermi siunissami pitsaasunik sinaakkutaasunik atugassaartoqarnissaa aamma qulakkeerneqassasoq.

Inussiarnersumik inuulluaqqusillunga

Nikkulaat Jeremiassen
Aalisarnermut, Piniarnermut Nunalerinermullu Naalakkersuisoq